

A Mayordomonan den Tèstament Bieu

❖ Mayordomonan di biennan material.

- Den e Tèstament Bieu, mayordomonan tabata esnan enkargá ku “e kas.” Nan tabata manehá e poseshonnán di nan shonnán, i nan shonnán tabata konfia nan.
- Mayordomonan tabata aktua na nòmber di nan shon, hasiendo loke é lo hasi. Nan tabata brasa nan shon su interesnan, i nan no tabata huza su merkansianan (poseshonnán) na nan propio benefisio.
- Tabatin mayordomonan fiel manera Eleazar i Jose (Gen. 15:2; 39:4), i algunnan infiel manera Arsa i Sebna (1Reinan 16:9; Isaias 22:15-21).

B Mayordomonan den e Tèstament Nobo

❖ Mayordomonan fiel i infiel.

- E Tèstament Nobo ta fokus riba e responsabilidat di e mayordomo. Tur mayordomo ta wòrdu tené responsabel dilanti di su shon.
- Mayordomonan infiel ta wòrdu kastigá (Lukas 12:45-47), pero ainda nan lo por evitá bahada spiritual (Lukas 16:8). Mayordomonan fiel ta wòrdu elogiá, i nan ta wòrdu duná responsabilidatnan mas grandi (Lukas 19:17).

❖ Mayordomonan di e misterionan di Dios

- Dios a revelá hopi bèrdatan, pero tin otronan ku E no a revelá, pasombra nos no por kompandé nan (Deuteronomio 29:29). Tin otro revelashonnán ku nos ta kompandé solamente parcialmente. E bèrdatan ei ta “misterionan.” (Romanonan 11:25; 1 Korintionan 2:7; 1 Korintionan 15:51; Efesionan 1:9-10; Efesionan 3:3-6; Efesionan 5:31-32; Efesionan 6:19; Kolosensenan 2:2; 2 Tesalonisensenan 2:7; 1 Timoteo 3:9; 1 Timoteo 3:16).
- Nos ta mayordomonan di e misterionan ei. Nos mester kompartí nan ku otronan asta si nos no ta kompandé nan kompletamente.

❖ Mayordomonan di bèrdat spiritual

- Bèrdatan spiritual ta donnan ku Dios a duna nos pa nos propio benefisio. Nos ta tambe mayordomonan di nan.
- E don di mas kostoso(balor) ta redenshon. Lo bo no kompartí un tal don grandi, asina ku otro tambe por risibié?
- Pensa tokante di e armadura di Dios. Kada parti di e armadura ei ta un don spiritual ku Dios a duna nos, i nos ta mayordomonan di e donnan ei (Efesionan 6:13-17).

C Mayordomonan awe

❖ Nos responsabilidat komo mayordomo,

- Siendo un mayordomo ta un responsabilidat grandi. Mayordomonan mester manehá hopi rekursonan pa haña e probecho di mas grandi for di nan shon.
- Pesei, nos ta responsabel pa tur kos ku Dios a duna nos. Esei ta inkluí donnan material i spiritual.
- Nos ta liber pa huza nos rekursonan pa nos propio benefisio òf pa Dios Su benefisio. Nos mester kòrda ku nos lo wòrdu tené responsabel (Eklestas 11:9).